

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Urbani VIII. Constitut. XXV. Confirmatio, ampliatio dd. Constitutionum.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

vis auctoritate, scienter, vel ignoranter contigerit attentari, decernens, qui buscumque in contrarium facien. non obstantibus.
Romæ 17. Augusti 1622. Bullar. tom. 4. pag. 138.

Urbani VIII. Constit. XXV.

Confirmatio, & ampliatio dd. Constitutionum

URBANUS EPISCOPUS &c.

Romanus Pontifex, cui Salvator, & Dominus noster, qui Charitas est, & Deus pacis, Universalis Ecclesiae creditit Principatum, ea interdum, que certis etiam rationabilibus de causis à Sede Apostolica concessa sunt, ipsa subinde rerum experientia suadente, & majoribus ex causis, quibus præsertim personarum sub suavi Religionis iugo Altissimo famulantium paci, & quieti consultur, litibusque, ac controversiis inter eos obviam itur, revocat, & immutat, in hisque Pastoralis sollicitudinis, & providentiae suæ studium interponit, prout rerum, & temporum qualitatibus debitè pensatis conspicit in Domino salubriter expedire.

§. 1. Cum itaque, sicut Nobis innotuit, complures licentiæ, sive facultates à nonnullis Romanis Pontificibus Prædecessoribus nostris per diversos Ordinum etiam Mendicantium, Congregationum, Societatum, & aliorum Regularium Institutorum Superiorum, seu alias eorum nomine, ubique locorum Monasteria, Domos, Collegia, Conventus, & alia loca Regularia, quovis nomine nuncupata, servata dumtaxat Sacrorum Canonum, & Concilii Tridentini Decretorum forma, de sola Ordinarii licentia, seu etiam forsitan non servata forma, & absque licentia hujusmodi, & contra Decreta à Sede Apostolica super præmissis edita, fundandi, erigendi, & instituendi importunis precibus, seu etiam motu proprio, vel alias obtentæ, & extortæ fuerint; Idcirco Nos omnes, & quascumque licentias, ac facultates hujusmodi, litterasque desuper tam sub plumbo, quam in hujusmodi forma Brevis desuper expeditas, earumque tenores etiam veriores, & Dat. præsentibus, ac si specificè, & sigillatim exprimerentur, & infererentur, pro plenè, & sufficienter expressis, & ad verbum insertis habentes, justis de causis animum nostrum moventibus, motu proprio non ad alicuius nobis super hoc oblatæ petitionis instantiam, sed ex certa scientia, ac matura deliberatione nostris, deque Apostolicæ potestatis plenitudine, omnes, & quascumque licentias, & facultates hujusmodi, litterasque desuper tam sub plumbo, quam in eadem forma Brevis expedita, omniaque, & singula in eis quomodolibet contenta, & expressa, etiam quoad erectiones, fundationes, & institutiones Monasteriorum, Collegiorum, Domorum, Conventuum, & aliorum Regularium locorum hujusmodi, quæ suum nondum fortitæ sunt effectum, tenore præsentium perpetuò revocamus, cassamus, abrogamus, & annullamus, viribusque, & effectu prorsus evacuamus.

§. 2. Præterea Ordinum etiam Mendicantium Congregationum, Societatum, & aliorum Institutorum Regularium Superioribus quocumque nomine nuncupatis, ceterisque personis ad quos spectat, in virtute sanctæ obedientiæ, ac sub

Sub privationis vocis activæ, & passivæ, necnon Officiorum quorumcumque, ac inabilitatibus ad illa, & ad alia in futurum obtinenda, necnon etiam excommunicationis ipso facto incurris pœnis interdicimus, & prohibemus, ne licentianum, seu facultatum per Nos, ut præfertur, revocatarum, & annullatarum, sive alio quovis praetextu, vel causa, etiam quantumvis privilegiata, nova Monasteria, Collegia, Domus, Conventus, & alia loca Regularia hujusmodi, nisi de expressa Ordinariorum licentia, ac servata in omnibus, & per omnia Sac. Canonum, & Conc. Trid. necnon Constitutionibus fel. rec. Clem. VIII. quæ incipit *Quoniam ad institutam &c.* ac Decretorum de mandato ejusdem Clementis, necnon sa. mem. Gregorii XV. Roman. Pont. Prædecessorum, desuper editorum, forma recipere, erigere, fundare, seu alias quomodolibet instituere, seu incepta finire, & absolvere audeant, seu præsumant.

¶. seqq. (*Sequuntur clausulae præservativae hujus Constitutionis, deputantur Executores, & contrariis amplissimè derogatur.*)

Datum Romæ apud Sanctam Mariam Majorem die 28. Augusti 1624. Pontificatus anno secundo, Bullar. tom. 4. pag. 265.

Innocentii X. Constit. L.

Super suppressione parvorum Conventuum, ac prohibitione erigendi novos.

INNOCENTIUS EPISCOPUS &c.

- ¶. 1. Instaurandæ Regularis disciplinæ &c.
- ¶. 2. Narrat disciplinam collapsam ex multiplicatione Conventuum parvorum.
- ¶. 3. Omnes parvos Conventus supprimit.
- ¶. 4. Superioribus Ord. Regulari injungit executionem.
- ¶. 5. Prohibet in Ecclesiis Conventuum suppressorum Missas, & Divina Officia celebrari.
- ¶. 6. Verum quia parvum est mala præcidere, nisi etiam malorum causa, & radix evellatur; Constitutiones fel. rec. Bonifacii VIII. quæ incipit, *Cum ex eo,* necnon Clementis VIII. incipien. *Quoniam ad institutam &c.* aliorumque Romanorum Pontificum Prædecessorum nostrorum super erectione novorum Conventuum editas, earumdem tenores innovantes, *illisque addentes*, hoc perpetuò prohibemus Edicto, ne deinceps aliquis Regularium Ordinis Mendicantium, vel non Mendicantium, Congregationis, Societatis, & cuiusvis alterius Instituti, etiam Societatis Jesu, in aliqua Civitate, Castro, Villa seu loco ad habitandum Domos, vel loca quæcumque de novo recipere, seu Monasteria, Conventus, vel Collegia incipere, vel fundare præsumat absque Sedis Apostolicæ licentia speciali plenam, & expressam faciente de prohibitione hujusmodi mentionem in scriptis, & gratis concedenda, prævia examinatione Congregationis negotiis Episcoporum, ac Regularium præpositæ: si securus egerint eo ipso incurrit pœnas privationis, & inabilitatis, ut supra inflatas, & nihilominus receptiones, fundationes, & erectiones sint ipso jure nullæ, & invalidæ, & Domos, ac loca ipsa, & perso-

Monacelli Form. Pars I.

D d

næ